

Basauriko udalerrian Irrati-komunikazioko instalazio eta azpiegiturei buruzko Udal Ordenantza

ARRAZOIAK

I. Titulua. XEDAPEN OROKORRAK

1. Artikulua.-Helburua.

Ordenantza honen helburua Basaurin telekomunikazioen instalazioak eta azpiegiturak ezartzeko eta horiek funtzionatzeko baldintza teknikoak arautzea da, instalazio horiek osatzen dituzten ekipoen eta elementuen beharrezko funtzionaltasuna behar bezala bateratzeko erabiltzaileen erabilerarekin eta herritarren osasuna, hiriko paisaia naturala babesteko eskakizunekin, ahal den neurrian okupazioa, ezarpenak izan dezakeen eragina murriztuz eta estatuko, autonomia erkidegoetako eta udalerriko arauak aplikatzea bermatuz osasungarritasuna eta ingurumenaren babesa bezalako arretazko osagaietan.

2. Artikulua.-Aplikazio eremua.

1. Basaurin kokatutako irrati-komunikazioko azpiegituren instalazio guztiek ordenantza honetako aginduak beteko dituzte. Instalazio horien parte izango dira ekipo igorleak eta/edo hartzaileak, eroanbideak, obra zibilak, eta horiek instalatzeko eta funtzionatzeko behar den azpiegitura guztia.

2. Ordenantza honetan beren beregi araututa ez dagoen irrati-komunikazioko beste edozein instalaziok antzeko ezaugarri morfologiko edo funtzionalak dituzten instalazioetarako ezarritako xedapenak beteko ditu.

3. Ordenantza hau testu honetan jasota ez dauden teknologia berrien kasuetan aplikatuko da, betiere «Irrati-Komunikazio Azpiegiturak» edo «Telekomunikazio Azpiegiturak» kontzeptuetan barne har daitezkeenean dituzten morfologia, ezaugarri teknikoak, edo ingurumeneko ondorioak kontuan hartuta, ordenantza honen testuan zehazten den bezala.

4. Ordenantzaren aplikazio eremutik kanpo geratuko dira Babes Zibilerako telekomunikazio ekipo eta estazioak, Estatuko Defentsara, aireko nabigaziorako sistemara, segurtasun publikora eta, oro har, antzeko beste edozein zerbitzutara atxikitakoak. Horren jakitun egonik, Basauriko Udalak positibotzat joko du ekipo eta elementu horien erantzule diren erakundeek beren igorpenak eta baldintzak ordenantza honetan jasotako mugen arabera erregulatzen saiatzea.

3. Artikulua.-Lizentziak.

1. Zerbitzuen jardueretara libreki sartzeari eta horietan aritzeari buruzko azaroaren 23ko 17/2009 Legea eta zerbitzuen jardueretara libreki sartzeari eta horietan aritzeari buruzko Legea egokitzeko zenbait lege aldatzen dituen abenduaren 22ko 25/2009 Legea aplikatuz, Basaurin indarrean egongo den lizentziak emateko erregimena Baimen Erregimena izango da, izan ere, justifikatutzat jotzen da interes orokorreko ezinbesteko arrazoi bategatik, eta aurretiaz kontrolatzea behar-beharrezkoa delako araudi honek helburuak bete ditzan, sarreran zehazten den bezala. Hortaz, irrati-komunikazioetarako azpiegituren instalazioak eta hauen kasuan kasuko banaguneak, egonez gero, Sailkatutako Jardueraren Lizentzia eta Irekitzeko Lizentzia izan beharko dituzte beren izapide egokiekin batera, Euskal Autonomia Erkidegoko Ingurumena Babesteko otsailaren 27ko 3/1998 Legean eta Euskal Autonomia Erkidegoko Lurzoruari eta Hirigintzari buruzko ekainaren 30eko 2/2006 Legean ezarritakoarekin bat etorriz, hurrenez hurren; arlo horretan aplikatzen diren gainerako arauak ere bete beharko dituzte.

Halaber, azaroaren 23ko 17/2009 Legearen 7.3 artikulua aplikatzeagatik, establezimendu fisiko bakoitzerako banakako baimen bat eskatzen da.

2. Aurreko ataletan ezarritakoa albo batera utzita, irratia edo telebista hartzeko etxeetako banakako antenak jarri behar izanez gero, baita harpidetutakoen banagune hartzaileak jartzeko ere, obra txikiko lizentzia baino ez da lortu beharko, kasuan kasuko sektorekako arauak aplikatuz.

3. Udalak ematen dituen lizentziek jarduera egiteko eta ekipoak eta garraiobideak fisikoki ezarri ahal izateko eta baita horrek berekin dakarren obra zibila burutzeko baimena bakarrik ematen dute; horrek ez du esan nahi ekipoak eta gainerako osagaiak erabiltzeko edo homologatzeko baimena dutenik; hala denean, eskuduna den administrazioak eman beharko du.

4. Lizentziei, halaber, Udalaren neurri zuzentzaileak ezarriko zaizkie, instalazioak etengabe une bakoitzean indarrean den araudira egokitzeko ezagutza tekniko, zientifiko, mediko eta legal berriak azaltzean.

4. Artikulua.-Proiektuen justifikazioa eta edukia.

Ordenantza hau beteko dela nahitaezko lizentziak lortzeko aurkezten diren instalazioen proiektu teknikoetan behar beste justifikatu beharko da, erregulatutako alderdietan eragina duten elementuak erraz identifikatzeko moduan.

5. Artikulua.-Definizioak.

Ordenantza honen ondoretarako ondorengo kontzeptuak daude zehaztuta:

a) Antena: Irrati-komunikazio sistema baten elementua, uhin elektromagnetikoak igortzeko, transmititzeko eta/edo hartzeko bereziki diseinaturikoa.

b) Edukiontzia: Kabina edo armairua, barruan telekomunikazio sare baten elementuak edo ekipoak jartzeko.

c) Gune sentikorrak: Zientzia eta Teknologia Ministerioaren 2002ko urtarrilaren 11ko Ministerio Aginduaren 3.3.f. artikuluan aipatutako eremuak dira, igorpen irrati-elektrikoen eraginaren maila zorrotzagoen mugak bete behar dituztenak (haurtzaindegiak, haur-hezkuntzako zentroak, lehen-hezkuntzakoak, derrigorrezko hezkuntzakoak, osasun zentroak, ospitaleak, parke publikoak, eta egoitzak edo zentro geriatricoak).

d) Telefonia banagunea: Telekomunikazio ekipoen multzoa, gune jakin batean telefonia sare baten konexioak ezartzea ahalbidetzen dutenak.

e) Dentsitate baxuko bizitegitarako inguruak: Nagusiki bizitegitarako erabilera duten etxadiak, fatxadaren goialdearen altuera 20 metro baino gehiagokoa duten eraikinak ez dituztenak.

f) Eragina hiriko paisaia arkitektonikoan: Hiriko paisaiaren ikuspen aldaketa eta, batez ere, kultur ondarea osatzen duten eraikin edo elementuena.

g) Masta edo eusteko elementua: Egitura, orokorrean metalikoa izaten da eta haren gainean antenak eta hauen osagarriak jartzen dira.

h) Irrati-komunikazioa: Urrutitik komunikatzeko metodoa espazio librearen bidez. Uhin elektromagnetikoak modulatu eta igorri burutzen da.

i) Telekomunikazioa: Zeinuak, ikurrak, idazkiak, irudiak, soinua edo edozein motatako informazioa hari bidez, irrati-elekttrizitate bidez, bitarteko optikoen edo bestelako sistema elektromagnetikoen bidez transmititzea, igortzea edo hartzea.

j) Telekomunikazio sarea: Transmisio sistemak eta, beharrezkoa denean, trukatzeko sistemak eta bestelako baliabideak, zehaztutako akabera puntuen arteko seinaleak transmititzea ahalbidetzen dutenak kableen edo bitarteko optikoen edo bestelakoen bidez.

k) Telekomunikazio sarea: Transmisio sistemak eta, beharrezkoa denean, ekipoak.

l) Teknikari adituak: Honako hauek dira teknikari adituak:

-Irrati-komunikazio ekipoen eta azpiegituren instalazioarekin eta funtzionamenduarekin loturiko alderdietarako: telekomunikazioen arloan adituak diren langileei buruz telekomunikazioen idazkari nagusiak 2002ko urtarrilaren 12an emandako Ebazpenean aintzatetsitako teknikariak.

-Obra zibilararekin loturiko alderdietarako: gaitzen dituzten baimenak dituzten teknikari proiektugileak, kasuan kasuko eraikin edo eraikuntza motaren arabera.

m) Itzaleko gunea: Zerbitzuaren gaitasun edo estaldura arazoak dituen espazio fisikoa, eta, beraz, telekomunikazioen zerbitzuak ezinezkoa denean gutxieneko kalitate-maila onargarrian. Gune horiek aipatutako ezaugarriak dituztela arlo horretako teknikari adituak ziurtatu beharko du.

II. Titulua.

EZARPENAREN ETA GARAPENAREN PLANGINTZA.

6. Artikulua.- Plangintzaren betebeharra eta helburua.

1. Ordenantzaren 3.1. artikulua eragindako telekomunikazio azpiegiturak instalatu edo aldatu nahi dituen eragile guztiek Udalean Ezarpen Plana aurkeztu beharko dute, udalerrian irradi-komunikaziorako instalazio eta aurreikuspen guztiak barne hartzen dituena.

2. Halaber, hainbat operadorek batera garatzeko Ezarpen Plana aurkeztu ahal izango dute zerbitzua emateko gune jakin bati, etorkizuneko teknologien kasuan nahiz sarea oraindik guztiz hedatu gabe duten gaur egungoen kasuan.

3. Udalak, operadoreek aurkeztutako ezarpen planak ikusita, irizpideak, koordinaziorako eta ingurumenen begi-inpaktua murrizteko neurriak eransteko eskatu ahal izango du.

4. Ezarpen Planak ordenantza honen aplikazio eremuan barne hartutako instalazioak, ingurumenaren eta lurralde antolamenduaren arauetan behar den bezala integrazteko beharrezko informazioa emango du, indarrean dauden legeek ezarritako mugak betetzen direla ziurtatuta.

5. Ezarpen Planaren edukia jendaurrean jarriko da herritarren haren berri izan dezaten.

7. Artikulua.-Ezarpen Planaren edukia.

Operadoreak Udal Administrazioari aurkeztu beharreko planak ondorengo informazioa emango duen gutxieneko edukia izango du.

1. Oro har:

-Egin nahi den azpiegitura sarea garatzea gaitzen duen baimenaren edo lizentziaren kopia, eskuduna den administrazioak emandakoa.

-Basaurin instalazio berrien burutzapenaren programa eta egutegia.

-Emandako zerbitzuen eta erabilitako teknologien deskribapena.

-Informazio teknikoa eta sarearen eskema orokorra.

2. Kokapen bakoitzerako datu espezifikoaren fitxa bat beteko da; gutxienez ere honako informazio hau izan beharko du:

-Lursailaren, sarbideen eta horniduren antolamendua.

-Lurzoruaren hirigintzako kalifikazioa, ingurumenaren eta ondare historiko-artistikoaren eraginak.

-Erabilera partekatzeko aukera.

-Azpiegitarako proposaturiko konponbide teknikoaren justifikazioa, mastak edo antenen elementu euskarriak eusteko elementu arkitektonikoak, atzeraketa neurriak, seinaleak edo itxiturak, bide publikotik begi-inpaktua murrizteko eta inguruaren antza izateko neurriak adieraziz.

-Kokapenetik hurbilen dagoen inguruko lursailaren kokapenaren eta jardueraren eta erabileren deskribapena.

-Altimetria kotaren planoetan berariaz adieraztea.

Informazio hori kokapen bakoitza funtzionatzen hasi aurretik emango da. Halaber, une horretan, ezarri nahi den kokapenak Azpiegituren Lurralde Planarekin duen lotura justifikatuko da. Kokapen hori Planera egokitu ezean, aurretiaz Plana eguneratu egin beharko da.

3. Informatze aldera, irradi-komunikazio zerbitzu bakoitzerako datu espezifikoen fitxa bat beteko da; gutxienez ere honako informazio hau izan beharko du:

-Kasuan kasuko telekomunikazio zerbitzua ematea gaitzen duen baimenaren edo lizentziaren kopia, eskuduna den administrazioak emandakoa.

-Arloan eskuduna den organoak emandako instalazioaren funtzionamenduaren baimena.

-Irradiatze sistemaren antenen altuera.

-Estaldura eremuak.

-Frekuentzien tartekak eta emisioen potentzia.

-Instalazioak igorritako emisio elektromagnetikoekin loturiko informazioa:

a) Sartzen erraza den eta erradiazioa handiagoa den lekuan.

b) Gertueneko gune sentikorretan, erradiazioa handiagoa den tokietan.

Informazio hori zerbitzu bakoitza funtzionatzen hasi aurretik emango da.

4. Informazio grafikoak kokalekuak adierazi beharko ditu, UTM koordinatuen bidez eta ondorengo kartografian:

a) 1:25.000 eskalan hirikoak ez diren lekuetan dauden instalazioetarako.

b) 1:2.000 eskalan hirikoak diren lekuetan dauden instalazioetarako.

c) Ondoko eraikinei buruzko egoera adierazten duen 1:200 eskalako planoak.

8. Artikulua.-Basauri udalerriri buruzko Ezarpen Plana egiteko irizpideak.

1. 1066/2001 Errege Dekretuan ezarritakoarekin bat, irrati-komunikaziorako instalazioen eta azpiegituren plangintza egitean, titularrek honakoak izan beharko dituzte kontuan, besteak beste

2. Irrati-komunikaziorako instalazioen eta azpiegituren kokalekuak, ezaugarriek eta baldintzek oro har jendeak jasaten duen emisio irrati-elektrikoen eragina murriztu beharko dute, zerbitzuaren kalitate egokiari eutsiz eta gune sentikorretan eragina izan dezaketen guneetatik gertu dauden emisio mailak bereziki kontrolatuz.

3. Eraikinen estalkietako irrati-komunikaziorako instalazio eta azpiegituren kasuan, igorpen sistema ezarriko dute titularrek, igorpen diagramak ez dezan eraikin berean, ez eta ondoko eraikinetan eraginik izan.

4. Instalazioetan, eta horiek berekin ekartzen duten obra zibiletan, begi inpaktua eta ingurumeneko eragina ahalik gehien murrizten laguntzen duten eraikitze irtenbideak aurreikusi beharko dira.

9. Artikulua.-Ondorioak.

Ezarpen Planaren aurkezpena ezinbesteko baldintza izango da Ordenantza honetako 3.1. artikuluan jasotako lizentzia egokiak emateko.

10. Artikulua.-Ezarpen Plana eguneratzea eta aldatzea.

1. Operadoreek Ezarpen Planaren edukiaren aldaketak jakinarazi beharko dituzte, eguneratzea eskatuta, aldaketa horiek gauzatu ahal izateko.

2. Edonola ere, operadoreek aplikatu beharreko sektoreko araudira egokitu beharko dituzten beren planak.

III. Titulua.

EZARTZEKO ETA INGURUMENERA EGOKITZEKO BALDINTZA NAGUSIAK.

11. Artikulua.-Arau Orokorrak.

1. Ordenantza honen xede diren irrati-komunikaziorako sistemen ekipoen eta elementuen kokapena zehazteko, ondorengo ataletan ezartzen diren baldintza espezifikoak beteko dira.

2. V. tituluan ezarritakoa salbu, debekatuta dago instalazio horiek gunee berdeetan, espazio libreetan edo erabilera publikorako bideetan jartzea, baita ekipamenduetarako partzeletan edo eraikinetan jartzea ere, azken horiekin berariazko loturarik izan gabe.

3. Instalazio horiek lurzoru urbanizaezinetan jarri ahal izango dira Basauriko Hiri Antolamendurako Plan Orokorreko Hirigintzako Arauen 3.3.7. artikulua betez gero. Hala izan ezean, operadoreak zentimetro karratu bakoitzeko 0,1 mikrowatteko emisioen muga errespetatzeko idatzizko konpromisoa hartzen duenean baimendu ahal izango dira. Baimendu ahal izanez gero, hiri lurzorutik edo urbanizagarritik 200 metroko distantzia errespetatu beharko du, Basauriko Hiri Antolamendurako Plan Orokorreko Hirigintzako Arauen 3.3.8. artikuluan ezartzen den baldintzetan.

4. Ez dira baimenduko babes bereziko lurzoru urbanizaezinetan, Basauriko Hiri Antolamendurako Plan Orokorreko Hirigintzako Arauen 3.3.12 artikulua betez, operadoreak zentimetro karratu bakoitzeko 0,1 mikrowatteko emisio muga errespetatzeko berariazko konpromisoa idatziz beregain hartzen duenean salbu.

5. Hiri lurzorian Basauriko Hiri Antolamendurako Plan Orokorreko Hirigintzako Arauen 6.2.1.artikulua eta ondorengoak errespetatu beharko dira, eta are zehatzago, ondorengoak:

-6.3.47 artikulua, produkzio erabilerari buruzkoa; haren barruan irratikomunikaziorako instalazio eta azpiegiturak aintzat hartuz. Hala, etxebizitzaren eraikinetan ezin izango dira kokatu azpiegitura horiek «etxebizitzaren barruan edo eraikinean onartutako jardueren» edo «etxebizitzarekiko jarduera bateragarrien» ezaugarriak bete ezean, aipaturiko artikulua zehazten duen bezala. Halaber, bizitegitarako guneeetan baimendu ezin badaitezke ere, industriarako, hirugarren sektorerako edo mistoetarako kalifikaturiko guneeetan onartu ahal izango dira, artikulua honek ezartzen dituen zehaztapenak betez.

-Estalkiko aprobetxamenduei buruzko 7.4.8 artikulua; zera zehazten du: baimendutako azken solairuaren gainetik artikulua horrek aurreikusitako baldintzetan bakarrik erabil daitezke trastelekuak. Hortaz, baimendutako azken solairuaren gainetik eraikin bakoitzarentzat erabilera hori ahalbidetuko da, eta ezin izango da beste bat jarri.

-Bi kasuetan, baimena operadoreak zentimetro karratu bakoitzeko 0,1 mikrowatteko emisioen muga errespetatzeko idatzizko konpromisoa hartzearen arabera izango da.

12. Artikulua.-Ingurumenera egokitzea eta saturazio indizea.

1. Instalazioek, osakerari eta koloreari, zein erabili beharreko materialei dagokienez, haiek kokatuko diren lekuko ingurumenaren izaera errespetatu beharko dute. Horretarako, udal teknikari adituen zerbitzuek ezar ditzaketen beharrezko neurriak hartuko dira, begi inpaktua ahalik gehien leundu eta hiriko ekosistemara behar bezala egin dadin.

IV. Titulua.

ERAIKINEN ESTALKIETAN JARRITAKO ANTENEN INSTALAZIOA.

13. Instalatzeko baldintzak.

1. Instalazio horietako bakoitza ezartzea instalazio mota honetako sektoreko arau espezifikoen ezarritakora egokituko da.

2. Euskal Kultura Ondareari buruzko 7/1990 Legeak babesten dituen eraikinen eta espazioen eremuan, irrati-komunikaziorako azpiegiturak ezin dira jarri Bizkaiko Foru Aldundiaren edo Eusko Jaurlaritzaren baimenik izan ezean, aipatutako legeak ezarritako baldintzetan.

3. Gainerako guneetan, ahal den neurrian, instalazioak bide publikotik ez ikusteko eta estalkitik pasatzea ez zailtzeko moduan kokatuko dira.

4. Edonola ere, ondorengo baldintzak bete beharko dira:

a) Debehatuta dago eraikin baten fatxadako errematearen petrilaren kontra jarritako euskarrian antenak jartzea.

b) Antenek zerbitzuaren eraginkortasuna ahalbidetzeko gutxienezko altuera izango dute. Edonola ere, mastak eta antenak osatzen duten multzoa ezin izango da 8 metro baino handiagoa izan estalkiaren ingurutzalearen gainetik, gehienezko altuera hori gainditu behar dela teknikoki justifikatzen den kasuetan salbu.

c) Mastek edo antenak eusteko elementuek honako arau hauek beteko dituzte:

-Estalki laueta zein inklinatuetan, instalazioak 45.º-ko inklinazioarekin jarriko dira planoetan, kanpoko fatxadetako erlaitzaren lerrotik marraztuta.

-Estalki inklinatuetan instalazioak estalkiaren kontra jarriko dira kanpoko fatxaden aurkako aldera, barruko patioetara edo tarteko hormara eroriz, bide publikotik ikusten ez direnean.

-Instalazio horiek osatzen dituzten edozein elementuren gutxienezko atzeraketa 2 metrokoa izango da eraikinaren perimetrotik, eta mastaren altueraren erditik ondoko edozein eraikinen parametroei dagokienez.

d) Edukiontzien instalazioak ondorengo arauak beteko ditu:

Telefoniako banagune jakin bati funtzionalki loturiko eta eraikinen estalkian eta eraikuntzetan kokaturiko edukiontzia instalatzean honako arau hauek beteko dira:

-Jendeak orokorrean ez du izango horietarako sarbiderik.

-Instalazioak inola ere ez du arriskuan jarriko eraikinaren egituraren segurtasuna.

-Solairuaren azalera ez da izango 25 m² baino handiagoa, eta gehienez ere 3 metroko altuera izango du.

-Eraikinaren beheko solairuko geletan, erabilera pribatuko arkupeetan eta estalkien azpian kokatu ahal izango da.

-Edukiontzia estalki lauetan eta inklinatuetan kokatu ahal izango da, betiere barruko patioetara erortzen diren isurki triangeluarretan kokatu eta bide publikotik ikusten ez bada. Ezin izango da jarri igogailuen kasetoietan.

-Estalkian jartzen direnean, eraikinaren fatxadatik zein etxadiko patiotik edo espazio irekietatik gutxienez ere 3 metroko distantziara kokatuko dira.

-Edukiontzia kokapenak ez du oztopatuko eraikina eta eraikinaren instalazioak zaintzeko eta mantentzeko lanak burutzeko beharrezko pasabidea.

-Edukiontzia irratikomunikaziorako ekipoen tresneria gordetzeko bakar-bakarrik erabiliko dira.

-Bertara sartu baldin badaiteke, sartzeko ate bat izango dute gutxienez ere 0,80 x 1,90 metroko altuerakoa, eta irteeraren zentzuan irekiko da.

-Edukiontzia arriskudun gelatzat joko dira suteen aurkako araudia betetzeko orduan.

-Edukiontzia guztiak klimatizatzeko hozte sistemak ikus ezin daitezkeen tokietan kokatuko dira eta funtzionamendua hiriko ingurumena babesteko indarrean den araudiak ezartzen dituen aginduetara egokituko da.

e) Edonola ere, ordenantza honetan ezarritakoa betetzeaz gain, eraikinaren estalkietan instalatzea baimentzeko aurretiazko eta ezinbesteko baldintza izango da higiezinaren egituraren gaineko zamaren azterlana aurkeztea; teknikari adituak azterketa sinatu eta profesionalen elkargo egokiak oniritzia eman beharko dio. Azterlan horrek higiezinak instalazioak duen aparteko zama higiezina bera kaltetu gabe jasan dezakeela ondorioztatu beharko du; hala izan ezean, ez da baimenduko instalazioa.

14. Artikulua.-Eraikinaren fatxadetan jarritako antenen instalazioa.

Ez dira onartuko eraikinaren fatxadetan jarritako antenak.

15. Artikulua.-Kableen baldintzak.

1. Eraikuntza berriko edo eraikinak guztiz birgaitzeko obraren proiektuetan, ordenantza honen xede den edozein instalazioren kableak Telekomunikazioetako Azpiegitura Komunerako (TAK) aurreikusitako

kanalizazioen sarean jarriko dira, eta diseinuak aplikatu beharreko araudi espezifikoak bete beharko du.

2. Guztiz birgaitu behar ez diren eta Telekomunikazioetako Azpiegitura Komuna ez duten eraikinetan, kableak eraikineko espazio komunetatik, partzelako edo etxadiko patioetatik edo bide publikotik ikusi ezin daitekeen gunetatik pasatu beharko dira; debekatuta dago kableak espazio publikoetako edo irekietako fatxadetan jartzea.

3. Salbuespen gisa, eta aplikatu beharreko estatuko araudian ezarritakoa errespetatuz gero, kableak aurreko paragrafoan jasotakoak ez bezalako lekuetatik jarri ahal izango dira, betiere kableen multzoa eraikinaren osaerara egiten bada, etengabeko elementu bertikalekiko paralelo jarritz eta kanalizazioaren edo kablearen kolorea haren igarobidea den paramentuaren koloreara egokituz. Konexio elementuak ahalik txikiak izango dira eta horiek jartzeko lekua eta kolorea lekuaren araberakoa izango da.

16. Artikulua.-Indar hargunea.

1. Ordenantza honen xede den irrati-komunikazioetarako instalazioen parte den indar harguneak koadro eta kontagailu independenteak izan beharko ditu, baina, hala denean, babes kutxa nagusia eta banaketa linea partekatu ahal izango ditu eraikineko gainerako instalazio elektrikoarekin.

2. Kontagailua, aldiz, eraikineko kontagailuen lekuan jarriko da.

3. Antena igorleen, igorle-hartzaileen eta antenen instalazio laguntzaileen kokapenak, eusteko duten egitura edozein dela ere, atmosferako deskarga elektrikoetatik babestuta egongo dira, aplikatu beharreko araudiak ezartzen duenaren arabera.

17. Artikulua.-Emisio irrati-elektrikoak.

Eremu elektromagnetikoen eraginari dagokienez, ordenantza honek aipatzen dituen instalazioek emisio elektromagnetikoen arloko estatuko eta autonomia erkidegoko araudiak bete beharko dituzte, batez ere sentikor bezala kalifikatutako gunetan.

Hala ere, ordenantza hau idatzi aurretik egindako azterketa magnetometrikoan antzeman da, hainbat lekutan, egindako neurketek zentimetro karratu bakoitzeko 0,1 mikrowatten muga betetzen dela, zerbitzuaren kalitatea ahuldu gabe.

Hori oinarritzat hartuta, Basauriko Udalak egoera hori ontzat joko luke udalerrri guztiarentzat, eta Europar Batasunaren Itunean jasotako Arreta Printzipioa eta Arrazoietan aipaturiko Europar Batasuneko Kontseiluak hartutako azken erabakiak aplikatuta, aplikatu daitezkeen estatuko araudia egitea eragin zuten Europako Gomendioak epe laburrean aldatu egingo dituztela aurreikusten da. Horregatik, oro har, Udalak lizentziak ematean alde positibo bezala baloratuko du udalerrri guztian aipaturiko muga errespetatzeko idatzizko konpromisoa

egitea, eta bereziki, konpromiso hori salbuespen bezala beregain hartu beharko da Hiriko Antolamendurako Plan Orokorren erregulazioak instalazio hauekiko baliokidetzan baimentzen ez duen lurzoru eta/edo erabilera motetan. Konpromisoa egin baina errespetatu ezean, Udalak enpresa operadoreari betetzeko esatu ahal izango dio, horretarako neurri zuzentzaileak aplikatuz.

V. Titulua.

LURSAILEAN KOKATUTAKO INSTALAZIOAK.

18. Artikulua.-Kokapena.

1. Kokapenak hirigintzako zehaztapenekin eta aplikatu beharreko sektoreko arauditik (ingurumena, ondare historiko-artistikoa, bide publikoen babes, eta abar) eta Hiri Antolamendurako Plan Orokorretik eratorritako zehaztapenekin bat etorri behar dira.
2. Oro har, instalazio horiek jartzean kokatuta dauden gunean eskatzen diren eraikitze baldintzak beteko dira, eta partzelako mugatik gutxienez 15 metroko atzeraketa izango du, eta multzo osoaren gehienezko altuera 40 m izango da.

VI. Titulua.

IRRATIA ETA TELEBISTA HARTZEN DITUZTEN ETXEKO ANTENAK ETA IRRATI ZALEEN ANTENAK.

19. Artikulua.-Irratia eta Telebista hartzeko antenak jartzeko baldintzak.

Antena horiek jartzeko, banakakoak zein taldekakoak izan, ondorengo baldintzak bete beharko dira:

- a) Ezin izango da jarri kanpoko fatxadetan eta bide publikotik ikusteko aukera ahalik gehien eragotzi edo murriztuko da.
- b) Higiezina jabetzaren banaketa horizontalaren bidez banatzen denean, antenak taldekakoak izango dira, Telekomunikazioetako Azpiegitura Komunei buruzko araudiarekin bat etorritik.

20. Artikulua.-Irrati zaleen antenak jartzeko baldintzak eta baimendutako kokapenak.

1. Irrati zaleen instalazioen antenak eraikinekin estalkietan jar daitezke bide publikorik ikusteko aukera ahalik eta gehien murriztu edo saihesteko.
2. Antena horiek lursailean ere jar daitezke partzela pribatuetan, familia bakarreko etxebizitzetan edo eraikuntza irekiko gunetan, baldin eta begi inpaktua ahalik gehien leuntzeko beharrezko neurriak hartzen badira paisaiara behar bezala egitea lortzeko.
3. Edonola ere, mota horretako antenak jartzeko irrati zaleen instalazio irrati-elektrikoen antenak arautzen dituen estatuko araudian ezarritakoa errespetatu behar da.

VII. titulua.
ORDENANTZA HONETAN EZARRITAKOA BETETZEN DUTEN LIZENTZIEN
ERREGIMEN JURIDIKOA.

21. Artikulua.-Lizentziaren beharra.

Ordenantza honen aplikazio eremuan barne hartzen diren instalazioek kasuan kasuko lizentziak lortu beharko dituzte I. 1 Tituluko 3. artikuluan ezarritako baldintzetan.

22. Artikulua.-Prozedura.

1. Jarduerarako eta irekitzeko lizentziaren eskaeren izapideak Euskal Autonomia Erkidegoko Ingurumena Babesteko otsailaren 27ko 3/1998 Lege Orokorrean eta Lurzoruari eta Hirigintzari buruzko ekainaren 30eko 2/2006 Legean ezarritakora egokituko da.

2. Obren lizentziaren eskaeren izapideak aplikatu beharreko hirigintzako araudian ezarritakora eta ordenantza honetako zehaztapenetara egokituko da.

23. Artikulua.-Zaintzeko beharra.

Ordenantza honetan arauturiko instalazioen jabeek instalazioak zaintzeko legezko beharrak bete beharko dituzte hirigintzako eta autonomia erkidegoko legeria orokorrean ezarritakoarekin bat etorritik; instalazioa baldintza egokietan zaintzeko obligatiodunari behar besteko obrak burutzeko agintzeko eskumena izango du udalak.

Eskatzen dena bete ezean, instalazioa zaintzeko obrak Udalak burutuko ditu obligatiodunaren kargura, Herria Administrazioen Araubide Juridikoaren eta Administrazio Prozedura Erkidearen Legea arautzen duen legerian aurreikusitako betearazte subsidiarioko prozeduraren bidez.

24. Artikulua.-Instalazioak edo elementuetako batzuk kentzea.

Jarduera behin betiko eten edo instalazioen elementuak erabiltzen ez diren kasuetan, lizentziaren titularrak, edo instalazioen jabeak, irrati-komunikaziorako ekipoa edo horien elementuak desegiteko eta kentzeko beharrezko jarduerak burutu behar ditu haiek jarri aurretiko itxurara lehengoratu instalazioa eusteko balio duten lursaila, eraikuntza edo eraikina.

25. Artikulua.-Instalazioak berritzea eta ordezkatzea.

Instalazio baten erabateko berriztatzea edo ordezkatzea eta baimena lortzeko erabakigarriak izan diren ezaugarrien aldaketa eta elementuren bat baimendutako ezaugarriak ez dituen batez ordezkatzeko denean, lehenengo instalazio baten baldintza beretan egingo da.

26. Artikulua.-Legezkotasuna babestea.

1. Ordenantza honetan ezarritakoari kontra egiten dioten ekintzek edo ez-egiteek hirigintzako legezkotasuna babesteko eta defendatzeko indarrean den araudian ezarritako neurriak hartzea eragin dezake.
2. Edonola ere, udal administrazioak kaltetutako ondasunak legez kanpoko egoera gertatu aurretiko egoeran uzteko neurriak hartuko ditu.

27. Artikulua.-Desmuntatzeko eta kentzeko agindua.

1. Obligaziodunek 15 eguneko epea izango dute instalazioak desmuntatzeko eta kentzeko aginduak betetzeko, edo berehala, pertsonen eta ondasunen segurtasunerako arriskua eragiten dutenean. Hala egin ezean, udal zerbitzuek kenduko dituzte kaltetutakoen kargura, eta betearazte subsidiarioaren kasuan kasuko gastuak ordaindu beharko dituzte.
2. Instalazioak desmuntatzeko eta kentzeko agindua, lizentziarik izan ezean, ez da izango legezkotasun aginduaren mendekoa, beraz, instalazioa legekoa ez denean berehala aplikatu ahal izango da.
3. Betearazte subsidiarioaren neurriak independenteak eta zigor bezala ezar daitezkeenik bateragarriak dira.

28. Artikulua.-Ikuskatzea eta diziplina.

Ordenantza honek araututako irrati-komunikaziorako ekipoak kokatzeko eta instalatzeko -lanak barne- hirigintzako baldintzak, eta udalak jarduteko eskumena duen beste gai batzuk udalak ikuskatuko ditu, eta legaltasuna eta diziplina babesteko eskumena eskudunak diren udaleko zerbitzuen eta organoek izango dute.

29. Artikulua.-Zehatzeko araubidea.

1. Ordenantza honetan irrati-komunikaziorako ekipoen kokapenari, instalazioari eta funtzionamenduari buruz ezarritakoa urratzen duten ekintzak edo ez-egiteak hirigintzako arau-hausteak dira eta ordenantza honetan araututako baldintzetan eta ondorengo artikuluetan ezarritakoan aplikatu beharreko estatuko, autonomia erkidegoko eta udaleko legerian ezartzen denaren arabera zigortuko dira:
2. Ingurumenaren inpaktuan eragiten duten kontuetarako, aplikatu beharreko tokiko eta ingurumenari loturiko araubideko hirigintzako araudian ezarritakoa beteko da.
3. Udalaren eskumenekoak diren gaiei eragiten dieten gainerako kontuetarako, arlo horiek arautzen dituzten tokiko araudian eta/edo araudi orokorrean ezarritakoa beteko da.

30. Artikulua.-Arau-hausteen sailkapena.

1. Ordenantza honetan ezarritakoa urratzen duten ekintzak edo ez-egiteak oso larritzat, larritzat edo arintzat sailka daitezkeen hirigintzako arau-hausteak dira.

2. Honako hauek arau-hauste oso larriak dira:

Irrati-komunikaziorako instalazioak eta azpiegiturak ezartzea edo abian jartzea derrigorrezko lizentziak izan gabe.

3. Honako hauek arau-hauste larriak dira:

a) Jarduera bere ekipo egokiekin abian jartzea emandako baimenean edo lizentzian gehitutako baldintzak errespetatu gabe.

b) Ordenantza honetako 24. eta 25. artikuluek aipatzen duten irrati-komunikaziorako ekipoak instalazioetatik kentzeko eta horiek zaintzeko betebeharra ez betetzea.

c) Ordenantza honetan ezarritako eta instalazioak egokitzeko epeak ez betetzea.

d) Operadoreak Basauriko Udalarekin beregain hartutako konpromisoak ez betetzea.

4. Honako hauek arau-hauste arinak dira:

a) Aurreko ataletan jaso ez diren eta ordenantza honetan ezarritakoa urratzen duten beste ekintza eta ez-egite batzuk.

b) Edonola ere, zehatzeko prozeduran interes orokorreari eragindako kaltea eskasa dela erakusten denean, ordenantza honetan ezarritakoa urratzen duten ekintzak edo ez-egiteak arau-hauste arintzat joko dira.

31. Artikulua.-Zehapenak.

Ordenantza honetan tipifikatutako arau-hausteak egiteagatik ezarri beharreko zehapenen maila eta diru-zehapena edo beste mota bateko zehapena Euskal Autonomia Erkidegoko Ingurumena Babesteko otsailaren 27ko 3/2998 Lege Orokorrean, zehazki 113. eta 114. artikuluetan, ezarritako zenbatekoen arabera erabakiko da.

32. Artikulua.-Zehapenak aplikatzea eta preskripzioa.

Ordenantza honetan xedatutako zehapenak ezartzean, nahiz kautelazko neurriak eta iraungitze eta preskripzio epeak hartu ahal direnean, Euskal Autonomia Erkidegoko Ingurumena Babesteko otsailaren 27ko 3/1998 Lege

Orokorrean, administrazio prozedurari buruzko estatuko legerian ezarritakoa beteko da.

33. Artikulua.-Erantzuleak.

Irrati-komunikaziorako ekipoen instalazioak kentzeko beharraren erantzukizunari buruz ezarritakoaren kaltetan izan gabe, ordenantza honetan tipifikatutako arau-hausteen erantzule solidarioak jardueraren edo obraren sustatzailea, instalazioa egin duena eta irrati-komunikaziorako ekipoaren jabea.

34. Artikulua.-Zerga Araubidea.

1 Ordenantza honetan araututako instalazioek haiei aplikatu beharreko Zerga Araubidearen zerga eta tasa egokiak sortuko dituzte.

XEDAPEN GEHIGARRIAK.

Lehenengo Xedapen Gehigarria.

1. Udalak erregistro berezi bat sortu ahal izango du eta bertan Basauri udalerrian kokatutako irrati-komunikaziorako sareen instalazio guztiek izena emango dute.

2. Erregistro horretan izena ematea derrigorrezkoa izango da lizentziaren titularrarentzat edo instalazioen jabearentzat, eta lizentziaren titularrari eta instalazioa baimentzeko ezarritako baldintzei loturiko datuak jaso beharko ditu.

Bigarren Xedapen Gehigarria.

Agenda 21en Udal Kontseiluak sei hilero Basauri udalerrian eskatzen diren eta ematen diren irrati-komunikaziorako lizentzia guztien berri izan beharko du.

XEDAPEN IRAGANKORRAK.

Lehenengo Xedapen Iragankorra.

Ordenantza hau indarrean sartzetik denean Sailkatutako Jardueraren eta Irekitzeko Udal Lizentzia egokiak ez dituzten lehenagoko instalazioek legeztatzeke lizentzia eskatu beharko dute hiru hilabeteko epean. Obren lizentzia administrazioaren isiltasunaren bidez lortu ahal izan duten instalazioek 6 hilabeteko epean legeztatu beharko dute beren egoera.

Bigarren Xedapen Iragankorra.

1. Lehendik dauden instalazioek ordenantza honen zehaztapen guztien betearazpen mailaren ziurtapena ordenantza indarrean sartzetik sei hilabeteko epean burutuko da.

2. Titulartasun aldaketak ez dira baimenduko ziurtagiri tekniko egokia emanaz eta, hala izanez gero, egin beharreko egokitzapenak burutuz instalazioa ordenantzara egokitzen dela ziurtatu ezean.

AZKEN XEDAPENAK.

Lehenengoa.

Ordenantza honetan ezarri ez den guztiak arlo honi buruzko estatuko eta autonomia erkidegoko araudian ezarritakoa beteko du.

Bigarrena.

Ordenantza hau Bizkaiko Aldizkari Ofizialean osorik argitaratzen den egunaren biharamunean izango da indarrean.

Denek ezagutu dezaten, eta dagozkion ondorioak eragin ditzan egiten da jendaurreko.